

## Presentada

MARTINO CONTU  
Presidenti de su Centro Studi SEA

Su numuru nou de Ammentu presentat unu Dossier intitulau *Entre destino y desatino: Biografie e storie di migrazione dal Nuovo Continente*, apariciu de Maria Cristina Secci, chi cuntenit quattu studius de autoris cubanus e italianus. Si trattat de «storias accomunadas de migrazionis e biografias singulas e singularis; esemplus de ominis chi possidint artis differentis -scienza, cummerciu, genti de sartu, poesia- chi po sighiri sa propria sorti incosciant un'oceanu» dirigius in America Latina: Uruguay, Cuba e Venezuela.

Cun custu numuru incingiaus puru sa rubrica Recensioni chi proponit duus contributus: un resumini de cantu scrittu, fattu de Miali Carboni, de su libru de Silvia Aru, *"Fare la Merica", Storie d'emigrazione e racconti di vita dei sardi in Brasile* (Aipsa, Cagliari 2015, pp. 181); e sa recensioni, proposta de Robertu Ibba, de su libru de Lorenzo Di Biase, *Antifascisti sardi in Argentina. Il caso della Lega sarda d'Azione "Sardegna Avanti"* (Anppia Sardegna, Centro Studi SEA, Cagliari - Villacidro 2016, pp. 130).